

Ilulissat ulloq 19. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara.

(inatsisartunut ilaasorta, Anthon Frederiksen, Partii Naleraq)

Naalakkersuisunut apeqquut:

1. Meeqqat inerikkiartornerminni akornuteqartut angajoqqaavinut tarnip pissusaaanik ilisimasalinnik ikiorserneqarsinnaanerat periarfissaqarpaa ?(Er der mulighed for forældre til udviklingshæmmede at få tildelt psykolog hjælp)
2. Inatsisartut peqqussutaata nr. 7, 3. November 1994-imeersup allangortinneqarsinnaanera Naalakkersuisut qanoq isumaqarfigaat ?

Tungavilersuut:

Nuna tamakkerlugu meeqqat inerikkiartornerminni akornuteqartut ilaqaataa peqatigiiffiata INOOQAT-ip inatsisartunut ilaasortanut saaffiginnissuteqarnera naapertorlugu apeqquuteqaat nassiuppara.

Tassami qularnanngilluinnarpoq; angajoqqaat qulaani pineqartut sutigut tamatigut erloqinartorpassuarnik aqusaangaqartarsimassasut, minnerunngitsumillu aamma tarnimikkut tuppallersarneqartarnissaat pisariaqavissorsimassalluni.

Taamaammatt Partii Naleraq sinerlugu paaseqqaarusuppara, angajoqqaat pineqartut tarnimikkut oqilisaaffigineqarnissaat qanoq periarfissaqartinneqarnera ?

Inatsisartut peqqussutaata (landstingsforordning) allangortinneqarsinnaanera, imaalillugu angajoqqaat qulaani pineqartut peqqussutikkut, tarnip pissusaaanik ilisimasalimmik

ikiorserneqarsinnaanermut periarfissaqalersissinnaanerat Naalakkersuisunit qanoq
isumaqarfigineqarnersoq aamma paaserusunnarpoq.

Apeqqutip ullut suliffiit qulit qaangiutinnginnerini akissuteqarfigineqarnissaa Partii
Naleqqamiit piumasaraarput.